

《中國地方志薈萃》編委會 編

中國地方志薈萃

西南卷·第三輯 柒



九州出版社
JIUZHOU PRESS

全國百佳圖書出版單位

中國地方志薈萃

西南卷·第三輯

柒

《中國地方志薈萃》編委會
編



九州出版社
JIUZHOU PRESS

全國百佳圖書出版單位

道光中江縣新志

出版說明

道光中江縣新志

(清)楊霈修

李福源

範泰衡纂

本書八卷首一卷，據清道光十九年（一八三九）刻本影印。

序

周神小史掌邦國之志者
祛也一邑之山川民物建置
源流與其間忠孝節義須
表揚者未賴有以祛之顧
或致校不精採訪不確則

中江縣新志

序

有無其實而文飾其詞其
祛也偽有其實而率畧不
載其祛也疎即不盡偽且
疎而實心二三或附會以至
於四石寔已八九或簡忽僅
道其六七則又未嘗不偽且

疎也且夫一縣之志諸志之
權輿也以此偽且疎者登諸郡
志則証及一郡登諸通志則
証及一省登諸一統志則証且
及天下如脩志之要本期求
實而已矣實則可以信今而

中江縣新志

序

傳後而於吏治民生人心風
化皆有裨焉中江縣志始脩
於康熙而十四年再脩於乾
隆而十二年厥後日夥月
繁事蹟益多至嘉慶壬午
申重加脩輯迄今又二十餘

年其中有舊志已載而今非
其實者亦有舊志糾錯者尤
宜核其實者而此外之闕如
者固多論矣辛卯秋子農
陳公攝縣事曾蒙
上憲議備拉以去任未果已

亥初夏余權是篆亟謀重
備維時宿案充斥荏苒符牘
聚夙夜未遑彌月後幸案
牘清奸宄靖余弗敢因循
乃囑學博郭君保卿選
司採訪未幾保卿物故後

延隆昌范百崇孝廉同副齋
王君鑑塘大令黃君毅葦開
局纂脩達因多李君宏海
以憂居里因得藉以振其成
其體例凡八首他里見封守
之重焉次達置見舉措之

宜焉次田賦見征徭之制焉
次職官見司牧之責焉次
選舉見人材之盛焉次士女
見教化之行焉次襍記見庶
徵之備焉次拾遺見先型之
具在焉若此者凡以誌其實

也實之多不厭其詳實之寡不嫌其畧將使茲斯土者規是編以行實政而有以爲張弛之資生斯土者奉是編以勵實備而有以爲親感之助是則余重脩之本素

也計斯舉始於季秋成於季冬爲時僅四閱月開局伊始余又行役馬邊未暇刊訂是以徵事實考遺文賴同年李君之力居多書成諸君以序囑余因

誌其顛末如左

道光十九年太歲己亥嘉平之月阮望銑嶺楊需題



原序

史紀一代人事之大尚矣至於史不及載及載而未盡悉者苟其人其事有關於山川風土民彝世教則又各就其志詳之是以表章既往昭示來茲志與史實相爲維係通古今天下皆然莫之或闕獨余於丙戌春承乏中邑極目環垣形勢蜿蜒磅礴意其間曩籍所傳更足生色求取而稽之竟不可得者蓋文獻之俱湮久矣既而閩州志其載中邑人事唐漢以前恒不概見即自宋迄明如蘇太簡之祖孫吳叔禾之伯仲徐士傑宋方麓諸名卿輩鴻猷巨藻彪炳一時近在人耳目者僅著約略無由快觀其生平而

中江縣新志

卷一 原序

況身不列廟堂名不出鄉國間有一二嘉言懿行踰時同歸於泯沒不知凡幾矣其他可勝道哉竊慨焉與嘆引爲已責奈四境以內田野未闢生養未遂方謀所以經理之數年來喜其地僻而事簡吏民亦且安余之拙而廢墜者可以漸舉也乃於庚寅冬議修邑乘東志協和以故多士欣然戮力分任採訪或故家斷簡或荒野殘碑或鄰壤遺文咸鈔錄罔剩余披覽之下自典章因革前賢往哲之功業文章洎孝義節烈隱逸仙釋諸人事之有關於山川風土民彝世教者雖存什一於千百猶相慶不至漸滅無餘及此日而草創之之未晚也是誠一邑之厚幸矣夫特藉

尊傳王君位中細加編輯參互考訂務期詳確並光史冊而歲稿就適余奉

簡命

移牧昌平星言就道不遑餞梓聊措貲六十兩付孝康李藻董其事恐始願難酬自不能不有望於後之君子也爰預弁數言於首以俟通觀厥成云爾是爲序康熙五十一年壬辰孟冬月三韓李維翰題

又

甚矣志之難言也自司馬子長徧覽山川旁搜遠紹而成史記志亦史也所以識也爲者雖多而工者絕少江文通鄭漁仲諸公皆云脩史之難無過於志蓋以志者憲章之

中江縣新志

卷一 原序

所賴非稔於典故弗能爲以故通天下而修之則爲一統志通一郡而脩之則爲府志通一邑而脩之則爲縣志縣皆有志而中江缺焉未備緣蜀中自兵燹之後邑乘之缺者不獨凱州爲然其間修者十之一缺者十之九也攷中江自晉武帝初置縣名曰五城北周立鉉武郡隋廢郡改縣尋置州後又罷州宋真宗朝改鉉武爲中江元初廢飛鳥人銅山至正間又廢銅山併入中江宋有蘇易簡號太簡登進士中狀元入翰林其子名耆有才名孫名舜欽號予美蘇州滄浪亭公之所建祖孫父子爲儒林巨擘嗣後人才蔚興殆彬彬與上國埒及明嘉靖辛丑太史楊升庵

修全蜀藝文志萬曆已未重修總志今俱不可得

國朝已酉大中丞張公德地檄修總志丙寅修潼川志載邑事頗多闕失乙丑邑宰祝公兆驥議修邑志甫設局旋陞去今存殘稿五頁其後令茲土者因循未舉至三韓李公維翰號西屏以廣文遷茲邑土地日開錢穀日增慨然決修縣志亦旋陞昌平去之日出貲六十金付孝廉李子藻董其事覽設非李公西屏世遠言湮後之人何自而知山川古蹟有關於賢人君子之生長道路津梁有便於人民商旅之往來仕宦賈否孰可以警在位之廉食科名顯晦孰可以勵躬修之邪正戶口賦稅力役兵戎孰可以補國

中江縣新志

卷一

原序

三

計之盈耗聲名文物忠孝節義孰可以耀汗簡之流傳以至盡範碩德佛跡僞踪災祥土產技藝百工孰可以備輶軒之下訪凱志之修豈不亟哉在有明一修於嘉靖再修於萬曆三修於

國朝之已酉丙寅或爲省志或爲州志而凱附焉附之者未免詳宏綱而畧細目且廢興存亡宜因宜革指不勝屈此弔古者之所欲毅然而肩其任也予承乏是邦三稔於茲日以中丞年公調審

欽案席不暇煖幸俗恬民嬉向之因循未逮者次第漸以釐舉志之修邑廣文王子位中爲之纂輯邑弟子員爲之

採擇諸君矢公矢慎日夕校讐功罪一聽之後人是非可贊之

至聖志分五卷爲綱者九爲目者八十有一以類相附者凡三條余循覽是編不覺起而嘆曰邑微介岡治治微志同徵凱彈九一區其去神京遠甚地瘠民貧耕無沃衍之土村墟室僻居無厚貲之藏惟衣冠士俗有鄉魯遺風縣志之成壽之棗梨志之所載有益於世教者則闢之而必詳無關於政治者則畧之而不道蒐微而抉隱餽陋而刪蕪有利病焉有舉廢焉有監戒焉有盛衰之理焉有治長之數焉有損益之宜焉凡皆實而不誣典而有則嚴而能公

中江縣新志

卷一

原序

四

該而不濫可以懲惡而勸美可以綜往而昭來是凱之志不可缺也繼自今更茲土者入境問俗則是書具在未必非出政臨民之一助去康熙五十四年乙未仲秋浙西長興李來儀題于凱署之慎獨齋

又

今

車書無外矣大一統而集員與題方極域靡不在照臨審鑒之中又何有於近隸職方九區最壤山川形勝與人物風土之可言哉顧泰華高矣而不遺寸壤濱渤廣矣而不遺細流以故郡邑皆有志而紀載獨詳不必名山大川嘉

祥奇異凡稽之文獻信而可徵有裨於政治堪勵天風俗實足以補藻昇平昭茲來許麟麟炳炳光簡冊而與帶礪同悠久焉則志之不可缺略炳甚雖然志之作與成蓋有難易之辨焉作之而做古覺少易作之而創始則甚難抑作之而匪得其時與人其成也則甚難作之而違其時與人其成也則甚易余屬邑之中江舊志無存矣建置沿革山川名勝以及古今之聞人諸士佳藝瑤篇皆泯泯無傳焉作者必勞心博覽極力蒐羅歷歲月而乃告厥成功焉是初始也難乎不難又或時際倥傯生養未遂宰斯土者乏果藝才鮮淹雅識且戴星出入欲鳴琴不暇矣又安能

中江縣新志

卷一

原序

五

畱心編輯矢志梨棗而冀夫邑志之告成哉予牧梓近五年矣時覽州志恨其缺略急欲翻成之又以撫字拙才有志未逮適伍城邑侯丹崖公以邑志成書來報且冀弁言予曰是邑之深幸與是邑之深幸與中江向以凋敝之區而今鞠爲庶富此書既成自應宣布邑之文人杰士以及類慧秀良賸山水之明秀而知鍾靈之不偶也覽科第之森榮人物之挺特而知發祥之有自也仰忠孝之令望節義之芳跡而知徵譽可傳懿行可法足以永貽不朽也是邑侯於庶富之後而亟亟焉以教繼之邑之人士咸而奮奮而起教之之益且不僅在今茲直可垂於奕禩猶歟盛

哉不寧惟是予於此竊有幸焉近者通泉令以其志來矣赤城令以其志來矣皆詳而要簡而確予欲酬素願而修梓書不亦大藉此慰風昔之志意也乎更有慶者

中江縣新志

卷一

原序

聖天子命太史秉轄軒而采之則此條分縷晰之編不下同於細流寸壤而實有助於山海之高且廣也康熙五十四年秋九月潼川州牧瑯琊王以豐題於來袁山亭

又

中江立縣自晉始至元以飛鳥銅山先後並入而邑乃滋大寶城樓妙礪是邑者也銅水東溪帶是邑者也天柱天

中江縣新志

卷一

原序

六

台諸峯則拱峙是邑者也古稱河山秀拔爲東川冠信不誣矣獨是設邑以來凡千四百有餘年其間人文政治民物風土堪與邑並傳不墜者不知何限今盡湮沒不可考令人徒見山川如故而載籍無聞弔古君子有隱痛焉而屏李公治邑之五年庚寅冬民人既和學校就理遂集諸紳士議修邑志而以纂輯之任屬余余惟蜀自兵燹之後文獻無徵久矣固陋如余何能堪此大役因力辭久之不可得乃不得已取省志州志及諸弟子所採宋明碑碣爲之參互考訂至壬辰秋九月藁粗就而公遷官昌平然纂輯不甚備也迨丹崖李公蒞任文學政事有兼優才邑人

王特以志諸公毅然許之謂時日可緩採訪必周余於是編求古今子史文集有關邑乘者舉羅而致之讀天官天文諸書而星野備讀地理州郡諸書而沿革備讀宋史列傳而蘇太簡蘇子美吳淑永吳忠肅諸先生之行誼悉備最後得名臣奏議而蘇氏吳氏之學術事功益以大備其他一字一句有源流可考者亦罔不畢備乃復增訂前纂編爲五卷重者詳之輕者畧之疑者闕之信者補之竊以維王建國提封有則邇彼職方爰志疆域勢殊時異興廢舉墜曷改曷因爰志建置肅肅宮墻煌煌聖教億萬斯年爰志學校乃殫乃措厥惟勸課撫字催科爰志食貨游惰

中江縣新志

卷一

原序

七

追輿名言莫罄我思古人爰志名勝有德能寬惟賢則安願歌父母爰志秩官甲乙鄉歲國家常例無負嘉名爰志科第出處仲屈抱道者蔚淑氣所鍾爰志人物可法可聞添采續紛信今傳後爰志藝文此九者志之綱也綱之下繫以目八十有一附類三條凡歷四載有餘而志成是役也西屏公實倡之丹崖公樂與成之維余不敏竭數年心力捧觚臨楮惴惴然以蜚負是懼惟是事欲其該詞欲其簡義欲其嚴體制欲其不紊人無輦金求名之術余免索米作傳之譏所可告無愧於二公者如是而已抑余因之有感焉省志修於己酉州志修於丙寅倘其時有學士太

夫特起而修邑志則往昔碑蹟不盡摧殘二三故老猶有存者徵文考獻必不至如今日之凋敝可知也何至千四百餘年以來之人事之典物寂歷至今然後得遇二公之賢始從而恢張之而又辱以固陋之余耳目有窮搜羅不廣缺畧註漏其何說之辭要其欲使後之宰是邑者賢秩官則思前人何以芳流百代產是邑者覽人物則思先達何以名垂不朽未必非感發懲創之一大機也是爲序時康熙五十有四年乙未陽月望日中江縣儒學教諭綿竹王一貞位中氏題

又

中江縣新志

卷一

原序

八

邑志之修前此西屏李公爲之倡今茲丹崖李公總其成其間奔走忘勞窮山谷而採碑蹟者我邑諸庠友之力而廣蒐博覽紀事屬辭則學博王君位中先生之手筆也王君受西屏公之託起自庚寅冬初訖於壬辰秋杪梗概已具而公墜昌平臨行畱貲六十金付余董厥事余念茲美舉也苟不備何爲志欲求備盡且緩遲月復請於接任之丹崖公公毅然許之由是採訪益勤故實益多討據益詳且確又匝兩歲而王君之業秩然大備公以前貲不足立捐清俸四十緡遂於乙未春授梓九越月而工竣列方物具情形表章已往昭示來茲雖前代之文獻容有缺畧而

今日之典章頗堪考證二公之貲費王君之纂輯其功其事直當與是編並垂不朽矣余才學謏陋何能贊襄萬一惟是幼承先君子之訓凡所爲耳提面命有關係者猶幸粗能記憶茲於經費司局之暇間參以井見管窺不過効一得之愚已耳敢曰附校讐之末乎哉顧其經始也原屬吾友江子定齋草創緣定齋他適葉遂遣亡而其意自不可沒也因并書之時康熙五十四年乙未孟冬月中浣之吉鄉進士邑人李藻謹跋

又

志者史之原也成於史始於志其爲體有紀述而無斷案

中江縣新志

卷一

原序

九

有直叙而無曲筆良以俟採風者之所取酌焉古者左史記言右史記事太史以翰軒觀十五國之謠俗猶是志也孔子因魯史作春秋其初蓋與晉之乘楚之檮杌同一紀事之書自司馬子長以八書立法班掾廣之爲十志志之名所由助志之類所由分乎厥後變例起義種種雖雖所志不同其於紀事則一志固與史相表裏也可不亟亟哉考中江自晉武帝初置縣名曰五城北周立元武郡隋廢郡改縣尋置州後又罷州宋真宗朝改元武爲中江元初廢飛鳥入銅山至正間又廢銅山併入中江宋有蘇易簡號乾菴以大魁入翰林其子名耆有才名孫名舜欽號

子美吾蘇之滄浪亭卽公所築祖孫父子蟬聯科第爲有宋一代之盛嗣後人才蔚興殆彬彬與上國埒此邦之英賢文獻皆賴邑乘以傳可任其荒略未備不足徵信乎顧舊志自康熙五十四年前後兩李令相繼採輯屬廣文王一貞校訂成書門類繁而擇焉不精博焉不詳越今又七十餘稔沿革典禮風土民情日新月盛其間忠臣孝子義夫節婦需表揚者更不知凡幾使修之不亟將懼其久而或湮其何以應

聖世

翰軒之採也予於丙午秋纂輯郡志及三射鹽蓬安樂六

邑之志既成次及於中取舊志而漏者補之疑者闕之附

中江縣新志

卷一

原序

十

會不事繁縟必芟其舊說多岐者間出獨見折衷之依郡志體例爲三大綱分門列入昔陳壽撰三國志時人稱其善敘事有良史才張華深善之謂壽曰當以晉書相付時丁儀丁廙仕魏有盛名陳壽謂其子曰可覓千斛米當爲尊公作佳傳子不與竟不作傳予不敢如陳壽之希求並不敢吹霜噴露寒暑筆端亦欲尊賢隱諱希班馬於萬一俾他時莅此者因革弛張胥得於是取裁焉若乃經紀人倫敦崇義烈發潛德而闡幽光必取信而可徵助成風教又豈僅以斷碣傳聞付往事於然疑已哉乾隆五十二年歲次丁未首春朝議大夫知四川潼川府事吳門張松孫

勵堂氏撰并書

又

昔先王觀象於比以建萬國親諸侯大約畫疆以分土度地以居民臨民以出治而其所以垂之久遠俾風土山川民彞政教炳炳麟麟昭然在耳目間者莫詳於志之一書志之爲言識也所以備史之一體也中邑自晉武帝置縣曰伍城後改爲元武郡隋文帝改郡爲縣尋置州宋真宗時改元武爲中江元初復將飛鳥銅山兩縣併入中江邑境日擴中江舊志向無可攷至

國朝康熙庚寅三韓李西屏先生蒞是邦始脩縣志雖亦分

中江縣新志

卷一

原序

上

綱列曰未爲美備迄於今又七十餘年矣其間土地依然而厚薄頓異人民不改而戶口日繁政令率新而純清有辨不有以修明之而昭茲來許恐因循固陋文獻無徵雖有日新月盛之奇竟與蔓草荒烟同歸剝落誠可慨也予兩權邑篆恭逢郡伯鶴坪張公表率是邦於府志告竣後卽議脩邑乘分綱爲三土地也人民也政事也分帙若干卷分目若干體覽者徒知體裁之別紀載之詳而未悉我公垂示之深心率勵之至意亦淺之乎言志矣蓋州縣之設卽古列爵分土之遺意也孟子言諸侯之實三土地人民政事而外珠玉不可寶也志中雖盡山川草木之蕃人

物文章之盛以及脩舉廢墜因革損益之宜而所謂求珠於淵取璧於山未之及也讀是志者知稼穡之惟實而地角山頭盡爲沃土矣知所寶之惟賢而少壯丁男俱成俊秀矣知忠清之爲寶而實政仁心咸臻上理矣現今川省時和年豐民物熙皞而各上憲夙夜寅清潔已率屬以仰承

聖天子軫念民依率土施仁之德意則是志之脩豈僅表萬柳

三台之古蹟太簡子美之才名與夫月吉規條之舊制哉殆有卽志以昭勸戒而保土宇以安人民撫人民以勤政事政事得而山河效順鳥獸呈祥賦役由是而盈阜節義

中江縣新志

卷一

原序

上

於焉而樹立以至學校宮牆羣賢迭出橋梁道路比匪潛踪庶不負建國親侯之至意耳覽是編而瞭如指掌其有關於吏治民生者正非淺鮮也乾隆五十二年丁未孟春權中江縣事吳門陳景韓月嘯氏撰

志葉序

竊以太史採風不遺小國裨官紀事每綴卮言雖學問之未嘗實見聞之欲廣茲值

國家文運重光車書一統下寮承乏欣瞻

邛治之隆

大典躬逢快觀同風之盛當其

玉簡遙頌徵歌下里文章任重原非俗吏所能撫字心勞端藉

同人我助所幸芹宮秉鐸尙有老成兼資泮水蜚聲尤多
俊彥奇文共賞訟庭之草色成吟疑義相參案牘之詞章
日富通今博古原需淹雅之才遠紹旁搜樂得多聞之友
爰以公餘偶暇因之管見時參舊意翻新擬遺編而辨論
陳言務去向盡簡以思維匪云合舊謀新實欲刊訛正謬
於是竭一月得四十五日之功焚膏繼晷乃克備一書兼
五十四種之數集版成裝既別類以分門亦合編而重訂
固已纂言居要記事鉤元矣雖然別風淮雨外謨良多亥
豕魯魚傳訛不少况以一蠡之測安窺全豹之斑所望滄

中江縣新志

卷一

原序

宣

海能容泰山不讓施之郭削好見朽木堪雕備以方言自
覺芻蕘可採單詞隻義何能順理成章巷語街談豈足信
今傳後惟是遊熙皞之世自興擊壤之歌安耕鑿之天共
上卿雲之頌而已嘉慶十七年五月權中江縣事楚南湘
涓陳此和賜亭氏撰

凡例

一志之體例貴詳而不雜約而能賅康熙嘉慶間縣志門
類繁蕪乾隆間則分土地人民政事三綱而子目又多
牽合茲編仿巴州志畧加變通爲綱者八爲目者三十
四以歸簡備

一是編分爲八卷其前六卷凡關係吏治民生人心風化
者雖小必錄其七雖曰雜紀然如大年祥異等類吏治
民風之得失盛衰亦可以驗焉其末卷則以鄉先達如
蘇吳諸公遺文本傳既未便全錄而邑中亦無專集故
悉存之以誌嚮往

中江縣新志

卷首

凡例

一凡志皆有藝文茲編於各門中卽分載古今人詩文以
便觀覽雖前輩基誌亦多可傳然其生平事實已見本
傳故一概不錄以省繁冗

一各門分載詩文惟地里建置尤多除唐王子安杜少陵
宋范石湖及元明以來諸名公外雖不盡佳然或歌咏
山川古蹟藉以闡發地靈或記載締造原由得以詳悉
頗末故備存之其餘不相干涉之作概不泛載

一舊志沿革遠溯三皇爲蜀所由來有通志在於邑境一
隅無干卽天文分野諸家聚訟良由元象高遠難稽茲
編概皆從畧其餘通行事例如文廟配位祭儀之類

率土皆同舉不悉載又舊志各門通套小序亦皆削除
惟必待發明者始畧爲申辨

一田賦中正供雜稅倉儲等項爲目頗多然其間有國帑
所關亦有民食所係茲編總爲二目曰國賦曰民儲以
見分曉

一舊志職官選舉兩門皆題名後另立政績文苑忠孝等
類茲編卽於題名之下凡有可稱述者隨其事實之多
寡以爲記載之詳畧庶閱者知事功德業皆吾職分所
當爲若漫無足述雖勢位科名舉不足重則益有所勸
懲矣其職官中現任及選舉中現存者則悉不置一辭

中江縣新志

卷首 凡例

二

以俟將來惟士女中孝子刲股節婦年例相符不拘此
例

一職官中有在任無所表見而其人實爲循吏名臣流芳
百世者如宋游子正高瞻叔諸公則備錄史傳以見其
生平之全而慰後來者之景仰焉

一漢時人材多由薦辟至隋唐以後則進士科獨重然如
賢良方正孝廉茂才其時皆謂之科故并入制科

一選舉志中凡邑內古今人才悉已登載此外忠孝節義
代不乏人茲編仍仿巴州志從華陽國志體例總爲士
女志列人物一目凡士庶大行小善足爲矜式者祇按

時代記錄不復區分名目至列女則已旌已卒及現存
者畧爲次第以便觀覽

一士女中備錄忠義節孝非徒發微闡幽也蓋將以激勵
人心維持風化故採訪事實皆再三慎重不敢遺尤不
敢濫庶幾記載不誣而閱者益知所觀感云

邑境爲漢鄆縣地卽併入之飛鳥銅山建於隋唐後者
亦皆鄆地茲編職官選舉士女諸志凡隋以前史傳所
稱鄆令及鄆人者悉爲載入惟隋後則祇載飛鳥銅山
中江

中江縣新志

卷首 凡例

三

中江縣新志總目

卷首

序 原序 凡例 輿地圖 城池圖 文廟圖

考棚圖

地里志卷一

沿革 疆域 形勝 山川 風俗 物產

建置志卷二

上卷 城池 關隘 場鎮 鄉村 公署 鋪遞

下卷 祠廟 學校 水利 津梁 寺觀 古蹟

冢墓

中江縣新志 卷首 總目

田賦志卷三

國賦 民儲

職官志卷四

文職 武職

選舉志卷五

制科 仕進 軍功 封蔭 議叙

士女志卷六

人物 列女

雜紀志卷七

大年 仙釋 祥異

拾遺志卷八

遺文

中江縣新志 卷首 總目

二

修志姓氏

主修

署中江縣事巴縣知縣卽陞知州 楊 需 漢軍七
五進士

參訂

代辦中江縣事卽用知縣 王仲選 漢軍七
未進士

署中江縣教諭候補教諭 周志道 巴縣七
百優貢

中江縣儒學訓導 王廷渠 巴縣人
四學人

前任山東鄒平縣知縣 黃 任 巴縣人
舉人

纂輯

咸安宮教習卽選知縣 李福源 巴縣人
舉人

中江縣新志 卷首 修志姓氏

甲 午 科 舉 人 范泰衡 巴縣人
舉人

司局 增 生 楊猷奕

邑 增 生 楊猷奕

採訪 邑 戊辰科舉人 吳興九

邑 辛巳科舉人 黃中吉

邑 甲午科舉人 唐世祿

邑 辛酉科拔貢乙酉副榜 鄧永堂

邑 恩貢 生 張時珩

邑 辛卯科武舉人 王如春

邑 廩 生 戴汝先

邑 廩 生 孟 亭

邑 廩 生 彭應佐

邑 廩 生 鍾朝璋

邑 廩 生 張 晉

邑 廩 生 張運福

邑 廩 生 鄒士廉

邑 廩 生 劉家培

邑 廩 生 呂玉衡

邑 廩 生 羅文範

中江縣新志 卷首 修志姓氏

邑 廩 生 朱壽仁

邑 廩 生 胡鵬九

邑 增 生 許希濂

邑 增 生 袁宗典

邑 增 生 易新焯

邑 增 生 邱 霖

邑 庠 生 李需根

邑 庠 生 王子麟

邑 庠 生 易純熙

邑 庠 生 黃品超